

館課



門生史彪古

21

蕭曹兩魏相業評

自古評官方者或求之功名材技之場或得之勲
猷爛焉之際至於評定相業則不在是夫相者燮理
陰陽贊助元首又安海內者也故不必有赫々可畏
之名而貴有恬靜冲夷之德不必有兼并庶司百官
之才而貴有弘攬庶司百官之識識弘於天下德
流於天壤苟善是是亦足矣三代而下惟漢治蒸
蒸近古其得力於相國者蕭曹兩魏寔彰々哉高
祖以布衣起於豐沛之間其始左右輔弼者厥惟

蕭何獨計何於入關時不亟：與謀臣策士下競功能而獨違：於約法定律是務可謂識高於天下矣。彼穰秦作虐民困於鞭箠，何以約法起民於水火之中。一代之章程既定，俾至今猶遵其律度。嗚呼，豈得謂小惠未遍歟。至於叅謀國體，薦用韓信，庶幾有古大臣風焉。或謂其天資刻薄，毋乃太過乎。代何而相國者，曹參參始輔齊王，弘才懋著，繼相天室，使其恃才以逞。天下事固未可料也。參則一效於何，絕無恃竒喜功之舉，而恬退清

靜、休、多容，是為難耳。誠知治一國與治天下不同，其識有過人者，故其時民安物阜，賢聲四達，宜矣。宣帝時，丙吉、魏相並稱賢宰，丙吉為相，其人大都德器深厚，奮有恩於帝而不言，恩帝異而舉之。一時淳謹老成，絕無嫌忌，生民咸沐其休焉。獨牛喘一問，人謂識大體，是大不然。宣帝時，匈奴逞志，民困饒寒，宰相者，寅亮天地，撫惠元：其賴啓沃，咨詢者固自有在。區：牛喘一問，遂謂識大體，不亦謬乎。魏相與丙吉同心宰政，已有協共之雅，而諫伐匈奴，復具

老成之識。至於子弑父妻殺夫。二百八十人。悉以告帝。敢言之風。於茲再見。其時官人稱職。風俗還淳。休乎德業。器識俱優者歟。嗟乎。後之相國者。鑒於蕭曹四君子。取蕭何之弘達。以經國。取曹參之恬靜。以養度。取丙吉之深厚。以蓄德。澤民取魏相之正直。以啓沃宸衷。師其識。毋問其才。隆其寔。毋務其名。效厥所長。而畧厥所短。雖周之旦。商之尹。以上追唐虞之禹臯。其何媿焉。

